

اداره خانه

باب عالی جاده سنده دائرة مخصوصه

آبونه شرائطی

ممالك عثمانیه ده سنه لکی (۶۵)، التي
آیلغی (۳۵) غروشدرد. ممالك اجنبیه ده
سنه لکی (۱۷)، آلتی آیلغی (۹) فرانقذر.
[ایضاحات: نسخہ سی الی پاره، آلتی
آیلغی بر جلد، هر جلد ۲۶ نسخہ در.]

اخطارات

§ آبونه بدلی پشیندر.
§ آدرس تبدیلنده قرق پاره لک
پول کوندرملی در.
§ مسلک موافق آثار مع المصنویه
قبول اولنور. درج ایدیلمه یں یازیلر.
اعاده اولونماز.

سریلک

۱۳۳۰ ۱۳۳۱ ۱۳۳۲

دینی، علمی، ادبی، سیاسی هفته لک مجموعه اسلامیه در

۱۹ شعبان المعظم ۱۳۳۱ پنجشنبه ۱۱ تموز ۱۳۲۹

عدد ۲۵۴

جلد ۱۰

اخطارات

رساله مزدن آلدیغی کوسترلک شرطیه
بتون یازیلر هر هانکی بر غزته طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولمسی و آبونه صره نومروسنی محتوی
بولونمسی؟

§

ممالك اجنبیه ایچون آبونه اولانلرک
آدرسارینک فرانسیزجه سی ده یازلمسی؟

§

پاره کوندرلدیکی زمان نه یه دائر اولدیغنک
واضحاً بیلدرلمسی رجا اولنور.

کلیورلر . اوچ کون صوکره صاوشوب قاجیورلر . ثانیاً بز باخصوص
مملکت مزده بر دری بی اصلاح ایچون ممکن اولدیغی قدر عادی بر آلت ،
بلکه ال ایله یابارز . حالبوکه آوروپاده بو خصوصده غایت منتظم ما کنه لر
وارددر . بزم بوما کنه بی جلب ایتمک قدرتمز یوقدر . بناء علیه حکومت
صنعت مز تشویق ایچون نه یایمق لازم کلیرسه یایمیدر . چونکه صنعت
محو اریور و شخصی قالیور» دیدی .

: و سه

عمر فواد

ثانی ناریجیه

حکومت سنیه نك دول معظمه یه نوطه سی

بازار کونی اوکلدن اول خارجیہ نظارتی قلم مخصوص مدیری ادهم بک
آوستریا سفارتخانه سنیہ عزیمتله سفرائک الک قلملیسی بولونان مارکی بالاییجی به
آئیده کی نوطه بی تقدیم ایتمش و دیگر دول معظمه سفرا سنیہ تبلیغی کندیلرندن
رجا والتماس ایلشدو .

بولغارستان حکومتی مقدمات صلحیه بی امضا خصوصنده کوستر-
مش اولدیغی مسارعتہ رغماً دولت علیه رجوع ایتمی لازمکن اراضی بی
تخلیه دن استنکاف ایتمشدر . حکومت مذکورہ نك بو صورتله حرکت
ایتمی کندیسنه (میدیه - اینوز) خط موسومنه ویرمک ایستدیکی
یا کلاش تفسیره کوره بر خط حدود تأمین ایتمک مقصد باهرندن منبعث
بولندیغی آزاده اشتباهدر . بولغارستان حکومتی آنجق حکومت
عثمانیه نك انتظاردن اوصانه دق اردوسنه کندی اراضیسی تکرار اشغال
ایتمی امرینی ویردیکی زمان عسکرینی چکمکه قرار ویرمشدر . دیگر
طرفدن حکومت عثمانیه پای تحت ایله قلعه سلطانیہ بوغازینک مدافعه
سنه امکان حصولی اندیشہ سی ایله مبدائی « اینوز » اوله جق یکانه
حدودک مرچ نهرینی تعقیب ایدرک شماله طوغری چیقان بر خط ایله
چیزلمی لزومنی اوتهدنبرو تبین ایتمش و بونده اصرار ایلشدو .
اشبو کذرکاهک معاهده صلحیه متننده ایجابی وجهله تعیین ایدلماش
اولسی کیفیتی هیچ شهرمز دولترک اولوقت بولغارستان طرفندن
کوستریلان مشکلاتی برطرف ایتمک و بوسایه ده دلکهرک لوندرده
سرعت ممکنه ایله اجتماعلرینی تأمین ایلمک حقنده کی آرزولرندن ایلرو
کلشدر . ملاحظات آنفیه وبالخاصه هرکونه تشویشاتک وقوعی بر
طرف ایتمک مقصدینه بناء حکومت عثمانیه طوغریدن طوغری به بولغار
حکومتہ مراجعت ایدرک مرچی ادرنه یه قدر تعقیب ایدیجی بر حدود
کذرکاهی حقنده نه کی اسبابه مبنی اصرار ایتمک مجبوریتنده بولندیغی
تبلیغ ایلشدو .

بو مسئله بی بولغارستان ایله دیپلوماسی طریقله فصل و تسویه ایتمک
حکومت عثمانیه جه شهرمز مرجع ایدی . مع التأسف بولغارلرک تحت
اشغاللرندو بولنان اراضیده نا قابل توصیف بر صورت وحشیانه
و غرمانه ایله ایقاع ایندکری و کندی متفق سابقلرینک بیله عسا کر
عثمانیه درجه سنده بر نفرت واستکرا هله مشاهده ایده بیلدکری مظالم
واعتسافات حکومت عثمانیه نك ایشک دیپلوماسی طریقله فصل و تسویه سنیہ
انتظار ایتمسینه مانعدر . دیگر طرفدن بالتجربه ثابت اولدیغنه کوره
بولغارستان ایله اجراسنه ابتدار اولنان بالجمله مذاکرات الی غیر النهایه
سورونجمه ده قلمغه محکومدر . شواحواله بناء حکومت عثمانیه ترا کیانک
حال و موقع آتیسنی دولترله متفقاً تعیین ایتمکی تعهدله برابر مباحوث
عنه حدودی شیمیدین اشغال ایتمک مجبوریتنی حس ایتمکده در .
حکومت عثمانیه علاوه شوراسنی ده اتیانہ مسارعت ایدرکه بر طرفدن
دول معظمه نك مقرراتنه رعایت ایتمک و دیگر طرفدن بولغارستان ایله
طبیعی و دوائی مناسبات تأسیس ایلمک حقنده کی آرزوسنه بناء مارالذکر
کذرکاهی قطعی بر خط حدود عد و تلقی ایدر و بونی هیچ بر بهانه
ایله تجاوز ایتمکی تعهد ایلر . حکومت عثمانیه بالقان حکومتلری آره
سنده کی محاربه حاضرہ نك و برده ترا کیا ایچون درمیان ایدیلان صورت
سویه نك کندیسنی پای تحت امنیت و سلامتی کافل بر حدودی بر آن
اول تحت تأمینہ آلمق مجبوریتنده بولندیردیغک دول معظمه جه تسلیم
ایدیله جکی و دول مشار الهمک ترا کیانک حال و موقع مخصوصی نظر
اعتبارہ آلهرق مسئله نك صورت مشروحه دائره سنده سریمأ و مصالحانه
فصل و تسویه سی تأمین یچون بولغارستانه وصایای لازمه ایفا ایلده جکری
امیدنده در . حکومت عثمانیه شاید مخاصماته تکرار ابتدار اولنه جق
ارلورسه بونک بتون مسئولیتی شیمیدین بولغارستانه عطف و تحمیل
ایتمکی لازمه دن عد ایلر .

۱۹ تومز ، ۱۹۱۳

صوک اخطار

اداره خانه مزله مغاملاتده بولونان کتاجیلر دن بعضیلری بر قاج دفعه
وقوع بولان رجامزه ، اخطار مزه رغماً ، بورجلرینی تادیبه اصلا
یانشمدیلر . بو حال ، هم مسلمانلغه ، هم انسانیتہ منافی در . مسلمان ،
تجاردیه کندیلرینه اعتماد ایدرک سپارشلرینی ایفا ایدرک کدی کمز بو آدم لرک ،
شرلرندن امتی صیانت ایچون ، اسملرینی هر کسه طاعتق ایجاب ایدیور . فقط بز
ایکی هفته دها بکلیه جکز . ینه بورجلرینی تادیبه ایتمکری تقدیرده
بو قرار مزنی صورت قطیه ده تطبیق ایده جکز .

اسرف ادیب

سلانیک مطبعه سی